

## **KENYATAAN MEDIA**

### **SWM ENVIRONMENT RAI GOLONGAN ASNAF**

---

**JASIN, 1 APRIL 2023** – SWM Environment Sdn Bhd (SWM Environment) menerusi Inisiatif Tanggungjawab Sosial Korporat (CSR) SWM Kasih hari ini meraikan 30 golongan Asnaf dari sekitar Serkam dengan memberi sumbangan berbentuk barangan keperluan seperti beras, tepung, gula, garam dan makanan kering yang lain dengan bantuan ahli jawatan kuasa Surau Al-Ayubi Kampung Bukit Serkam.

Menurut Pengurus Besar Korporat SWM Environment, Mohd Norlisam bin Mohd Nordin, penganjuran program SWM Kasih Santun Ramadan kali ini turut mendapat kerjasama daripada Persatuan Pengamal Media Melaka (PENDIKA) untuk meringankan beban golongan yang memerlukan terutamanya ketika menjalani ibadah puasa dan persiapan perayaan Aidilfitri kelak.

Menerusi program ini juga, satu sesi taklimat mengenai program galakan kitar semula berganjaran KITAREcycle turut diadakan bagi memberi kesedaran tentang amalan pengurusan sisa pepejal yang berhemah melalui amalan Pengasingan Sisa di Punca (Separation at Source - SAS) dan menggalakkan gaya hidup 3R (Kurangkan, Guna Semula, Kitar Semula) serta memperhebatkan lagi kesedaran bagi mengelakkan pembaziran makanan dalam bulan puasa.

“Masyarakat perlu lebih peka mengenai lebihan dan sisa makanan yang masih boleh digunakan. Amalan pengurusan sisa mampan melalui amalan Pengasingan Sisa di Punca (Separation at Source - SAS) sangat penting dan boleh dilakukan dengan mengenalpasti dan merancang keperluan seharian sebelum membeli, dan mengamalkan sikap bersedekah. Teknik penyimpanan/pengendalian makanan juga boleh mengurangkan masalah lebihan sisa kerana tempoh ketahanan makanan akan menjadi lebih panjang.” kata beliau.

Turut hadir Bersama adalah Pengarah SWCorp Melaka, Encik Khairuladha bin Ab Mutalib, Pengerusi PENDIKA, Encik Amir Mamat dan Pengerusi Surau Al-Ayubi, Encik Abu Bakar bin Abd Rahman.

**-TAMAT-**



## **MENGENAI SWM ENVIRONMENT SDN. BHD.**

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: [www.swmenvironment.com](http://www.swmenvironment.com).

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: [www.kitarecycle.com](http://www.kitarecycle.com) untuk mendapatkan maklumat lanjut.

**Untuk keterangan lanjut, sila hubungi:**

**Puan Noor Che Wah Binti Ramli**

Eksekutif Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : [wah.ramli@swmsb.com](mailto:wah.ramli@swmsb.com)